



www.khiv.ru/pressa

АКУ ХЯД

Светлая звезда

Хив райондин жямаятдинна сиясатдин газет

№ 33(5591)

26-ти август, 2019-ти йис

Газет гьяфтаийь сабан удубчівура

Кыमत 3 манатна 68 кепек



Райондин
администрацияийь

Жорбежюр месэлийр гьял гьяпну

19-пи августидь райондин администрацияин конференц-залиь райондин администрацияин нубатнан совещание гьябхьну ва душв ин жорбежюр месэлийр гьял гьяпну. Совещаниеин ляхниь райондин администрацияин гьуллугьчийр, райондин центрийин али идарийрин, тешкилатарин руководителари иштирак гьяпну.

Совещание «Хивский район» МО-ийн администрацияин главы Ярмет Ярметовди ачмиш гьяпну ва кулира гьубху.

Совещаниеин гьулху ЖКХ-ийн, архитектураин ва тикилишчивалин отделин на-чалникдин вазифийр Гаджибала Ибрагимовди «Комфортная городская среда» ччвур али программийн бинаийин алди 2020 – пи йисан Хиварин, Гьванцкарин, Цийи Фрогьгарин, Захтларин гьулариь вари сабишвлан гьадабгьиган кюьбу объект дивалл планламыш дапнайиваликан гьяпну.

Райондин администрацияин главиниь заместитель Агамирзе Гамзабековди чан улхариь Гьуштил, Ярак-Мажвугл, Гьванцил гьулариь газоснабжениеин объекттарин проектированиеин документар дюзмиш апурайиваликан гьяпну.

- Цийин йисан кечирмиш шулай августдин вазин 16-пи йигьазькан, - гьяпну финансарин ва налогарин отделин начальник Абдулгамид Беговди, - 2019-пи йисандин 8 вазин налогар уч албан план районди 97 процентдин тамам дапна, августдин ваз ктабхьайиз думу план варж процентдин зина тамам апуру мумкинвал а.

РОО-ийн начальнидин заместитель Магомедшериф Садыковди кьайд гьяпиганси, Цудхьарин гьулан мектебди классарин помещенийр тамамвалинди лазим кьайдайиз духна, анжяг пожарный датчик ва видеонаблюдениеин оборудование иливиз ими, пищеблокдиьра отделочный ляхнар ими, мектебдин улих кьайи гьят асфальтироват апуз гьязурди а, 20-пи августидь душ асфальтироватра алпаинди ву.

Мажвгларин гьулан СОШ-дин классарин помещенийра лазим кьайдайиз духна, анжяг сабини ва кьобни мертебийрин коридорар кьайдайиз духну ккудукнадар. 25-пи августидькан душварра лазим кьайдайиз духну ккудукну. Райондин имбуну мектебарь ремонтдин ляхнар ккудукна. Бази мектебар цийи урху йиса гьязур хьулан гьякнаан вуйи актарин кзулар дизайндр. Дугь чан улхариин ахириь райондин мялимарин конференция 28-пи августидь клуи гьябгьуруваликан хабар тувну.

Совещаниеин гьулху региональный операторин Хив районди аиь вакил Абдулкадир Лукмановди 13-пи ва 19-пи августидь райондин шу-шубу контейнерарийди зирзибил лазим

ийшвахна гьубхуваликан, гележегдиьра гьабхуваликан, амма зирзибил гьабхбаан идарийри, агьалийри пул тувуваин ляхин зияфди айиваликан гьяпну.

Экономикаийин, бици предпринимательство артмиш албан ва имуществоин аьлакьийрин отделин начальникдин заместитель Гасан Нурмагомедовди кючйрин сетариан, домовладенийриан тамамди инвентаризация албан бадали ФИАС-диан чпихьна дорожный карта гьяпнайиваликан ва думу ляхин чпид гьулларин поселенийрин администрацияин гьуллугьчийрихьди сатиди клуи гьабхурайиваликан ва сабини сентябрькан думу ляхин клуиз адабгьну ккудукнуруваликан гьяпну. «село Хив» гьулан поселениеин глава Наила Агасиевайи Хиварин гьулан жямаят шухьди тямин албан жигьатнаан араийз дуфнайи проблемийрикан, бязи йишварилан штун турбийр ремонт дапну ккундайиваликан ва чпид кьабул апурайи улчмийрикан ктитну.

Райондин администрацияин главиниь заместитель Мирзабег Багичевди чпид райондин мектебар террориствалин гьаракатарихьан урхбан бадали клуи духнайи ляхнар ахтармиш гьяпуваликан, Мажвгларин гьулан мектебди ремонтдин ляхнар ккудукнурувайиваликан, му гьулан культураин Хулан ва гьулан поселениеин администрацияин гьирагьарин лазим вуйи марцишин, кьайда адруваликан гьяпну.

Муниципальный жилин юзчивалин, жилин аьлакьийрин ва гьулан мяшадтин отделин начальник Байрамбег Кучувди райондин мяшатарь клул хру мягьсуларин бегьер уч дапну ккудукнайиваликан, 2020-пи йисандин бегьер бадали тумар алахьру 200 гектариь изнар дапнайиваликан ва ятгьарин ремонтдин ляхнарихь хьогьрайиваликан хабар тувну.

Совещаниеин гьацира культураин, спортдин, жигьиларин политикаин ва туризмийн отделин начальник Зарема Шахсинова, РОО-ийн клуин бухгалтер Исин Исинов, ветуправлениеин клуин духтир Энвер Мисриханов, ЦЗН-дин директор Абдулазиз Агамирзаев, «Хивское лесничество» ГКУ-ийн руководитель Загидин Батманов ва жара юлдшар гьулху. Дурари чпид тамам апурайи ляхнарикан, чпиз алахьурайи проблемийрикан, дурар гьял апурайи рякьарикан информацияин тувну.

Совещаниеин Ярмет Ярметовди уч духнайидарин улих улубкьнайи гьяфтаийь тамам дапну ккуни месэлийр дивну ва дурариз кьат1 и табшургьар тувну.

Пресс-центр.

Россияин Государствойин пайдгьин Йигь

Россияин Президентди 1994-пи йисан 20-пи августидь адабгьу 1714-пи нумрайин Указдин бинаийинди 22-

Му анжяг государственной ваь, хьа вари халкдин ватанпервервал субут албан машвар ву. Уьру, укьу ва лизи рангарикан ибарат вуйи триколорин тарих саки Петр сарпирин девриз гьябгьюра. Хьа гьиди Россияин жямаятлугь уьмриь лийикьлу йиш дибисна. Му символиь государственной эдеблувал ва азадвал, вафалувал ва гьякь вал, дирбаш вал ва жумартвал, милли сабвал сатли дапна.

Россияин государственной пайдгьин Йигьаз тьякуь вуди райондин саки вари гьулларин библиотекийриь китабарин выставкийри, «Россияин государственной пайдгьин тарих» темаийан агьалийрихьди гергим столар тешкил гьулларин, волонтерари агьалийриь государственной символика али бици пайдгьар, ленточкийр, флаерар пай гьяпну.

Пресс-центр.



пи август Россияин Государствойин пайдгьин Йигь вуди мялум гьяпнийи. Государствойин дережайийди му машвар кьайд алпаз аьхю мяна а.

Шид зигбан ляхнарихь хьогьна

Ухьз хабар айиганси, Хирчварин гьул ан Хивна шид зигбан бадали республикаийн бюджетдин 2018-пи йисан 37,6 миллион манат жара гьяпнийи. Шид зигбан заказчик вуди РД-ийн министрдин дирекцияин служба удубчіву, хьа подрядчикдин вазифийр тамам алувал республикаийн «Арт Онис» ччвур али СК-ийн ОО-ийн табшурмиш гьяпну. Амма, гьайифки, шид зигбан ляхнарихь хьютрюгьди сад йислан артухь вахт кечирмиш гьябхьну.

Му месэлайиз тьякуь вуйи совещание 2019-пи йисан 5-пи августидь райондин администрацияин конференц-залиьра РД-ийн Главиниь ва Гьюкуматдин Администрацияин руководителин заместитель Нюсет Омаровдин, «Хивский район» МО-ийн администрацияин глава Ярмет Ярметовдин, Хирччан Хивна шид зигбан подрядный тешкилатдин вакиларин ва жара юлдшарин иштираквалла ади клуи гьубшыйи. Душв ин «Арт Онис» ччвур али СК-ийн ОО-ийн работниकारी Хивна шид зигбан ляхнарихь багарихьди хьогьбаз гаф тувнийи.

Думу совещание клуи гьябгьбалан кьяляхь саб гьяфта алдабхьган тикилишчийр шид зигбахь хьогьну.

Райондин администрацияин ЖКХ-ийн, архитектураин ва тикилишчивалин отделин начальникдин вазифийр вахтнинди тамам апурайи вуйи Гаджибала Ибрагимовди гьяпиганси, Хирччан Хивна шид зигурайи рякьон ярхивал 8,2 километр ву. Гьамусаьтна шид зигурайи рякь бульдозеринди дюз апура, саб километрийн рякь ин тракторинди архра адабтна. Шид

марцц апуру сабуну каптажра гьязур алпахь хьогьна.

Прораб Фарзаали Назаралиевдин регьберваликкди



механизаторари ва работчийри гьачиндиан хьябхьдизькан зарбачивалинди зегьмет зигура.

Р. Балабеков.

